

同治六年四月

芝士清月  
官員情節同治  
湖益所見者  
止足

杭郡江尊書



同治介甫  
貞文上使  
簡重敬

頌序

同治六年四月  
存乎才廉吏謹守繩尺而已問廉與能孰難應者必曰廉惟自守才以達權制變爲最難余謂不然得一廉吏而事無不舉也天下有能而不廉之人斷無廉而不能之人何也古之布大政決大疑定大計者一以仁智勇行之三者皆性之德惟汨沒於利欲則以私害公智遂昏而勇亦屈矣廉者較然於義利之界其心靜其識激其力堅其處常也

陸公遺蹟

陳序

如山其應變也如川以之肅綱紀靖危疑而無難而況一官一邑者乎彼不廉而曰能者不過趨走逢迎私智小數甚且武健嚴酷以濟其貪吏而尙能民且不堪命矣察吏者而最能吏治亦不堪問矣然世但見能吏之能而不見廉吏之能又何也其心靜故不怵於一身之禍福其識激故不徇乎一人之毀譽其力堅故不撓於一時之利害不知者以爲疏不若趨走逢迎者之密也以爲鈍不若私智小數者之敏也以爲迂濶不若武健嚴酷者

之效且捷也廉吏之才不易見世亦往往不欲竟

其才 陸清獻公學紹閩洛爲

本朝第一人非可僅以廉吏目之然當時以操絕一塵才非肆應免官幾疑公謫吏才也今得黃君所輯佐嘉遺蹟讀之撫字催科興利除害大端卓然可見雖所施未竟廉無有不能詎不信歟寶山爲嘉定分邑楊行建祠在公去後數十年蓋民至今不忘也夢蘭承乏此邦無能爲役惟廩廩籃盤之戒冀少免譽尤是編當朝夕座右爰付剞劂陸公遺蹟

陳序

二

曹序

一

平湖陸稼書先生理學名儒湛深經術居恒持身行已無一不規于公正其來宰吾疁也本文章爲經濟政治肅清士民戴德著有流嘉遺蹟一帙載其居官自守奉上愛民寬賦聽訟諸善政無不裨益閭閻有關名教又疏導河渠便民利國創修書院教育人材凡屬士農均沾樂利迄今百餘年後猶令人間風起慕願覩其音容以爲快惜余生也晚不獲身親其化側聞父老傳也我

國家尊儒重道樂育賢材首先奉

公崇祀

聖廟頒行天下

賜謚清獻外有專祠所以獎勵而風勸之者其德意不深可見哉是爲跋

道光辛丑桂月

槎溪曹廷宿識

嘉慶三年歲戊午八月哉生明青陽後學陳夢蘭譔

陸清獻公莅嘉遺蹟卷上

寶山後學黃維玉編輯

嘉邑濱海民多作奸犯科公籍平湖去嘉不遠當銓選後嘉民間公係

本朝理學第一人良善之輩幸公之來莫不額手稱慶其素所作奸者皆聞風斂跡公之德教先有以服民如此

涖任之先答同年許自俊書署云某生平簞瓢自樂行將冰蘖知甘然何以除稂莠而植嘉禾何以座公遺蹟  
一  
親鸞鳳而遠梟獍何以遺利澤於百年何以解倒懸於今日撫字何方催科何術大而移風易俗小而剔蠹捐煩貴色利弊惟願一一賜教敢不虛己以聽使嘉邑受某一分之益卽大君子一分之賜也公矢志於未任之先如此

公到任時胥役多備人夫詣馬頭迎接公乘一小舟蕭然獨坐惟載圖書數篋諸役人思欲趨承希圖光寵皆意氣索然父老觀者莫不歎異

凡膺民社之責者每苦鞅掌不復理舊日學業公於簿書錢穀之暇手不釋卷吟聲朗朗常微外署凡新官到任例呈花名單將各役點名公見役太多諭曰爾爲吾役無錢可賺吾養民不能養役汝依役不若依農欲退卽退衆猶因循觀望後政簡刑清每日只用二人輪值復諭曰爾等各自歸家呼喚始來毋得守候廢業且羣聚一處每易生奸公於利民之中卽備防役之法  
公答王守備書云示諭私販之徒出沒蹤跡欲窮其源但不及慮賣鹽之家而徒根究出洋之犯恐座公遺蹟  
二  
緝捕之輩從中播弄反與輾轉攀指之例有礙莫若辨鹽色嚴禁坐賣之家則頓者無人販者自絕更於保甲飭查隱諱連坐之法則利無所營而趨者少害有所叢而避者多自然奸志潛消矣  
公衣冠必正雖燕居常整服危坐至暑月服絲綸則先著裏衣一遵鄉黨之制  
公赴郡適有公事各官集元妙觀公至時先到者因值酷暑俱穿衫子勸公亦解脫衣冠公曰平時常如此不必脫也會議久坐皆汗流浹背而公泰

然自如盡服公之養到

凡官莅任鹽商典商向例各有所餽公下車衆商皆餽公穀然曰吾忍一人受其利而使千萬窮黎受其害乎力却還之

公兩袖清風錢糧分毫不染除火耗革羨餘其平色可以解司令民自封投匱民皆便之完者爭先如有輕等短少卽於封上票明將原封發出令民補足

公表叔李慧生欲有干請公答書曰姪素性守免

陸公遺蹟

卷上

三

凜冰荒署依然壁立至戚如表叔尙無一芹將獻

惶愧難言當從容申敬高年玉趾幸慎跋涉

公與人筆札及批判文稿書法端楷悉遵刻本不事行草今巨室世家尙有能藏其字者筆畫亦若公之端方正直

邑有顯宦欲與平湖巨室聯姻請公執柯公許之蓋重公之爲人也有問顯宦復曰事諾願贈千金公得此言反寢其事

自來遊客如織供億皆取辦於下自公清名遠著

四方遊客裹足不至省嘉民無數金錢  
公每清晨早起必命家人將鋪陳捆好常曰做官只如傳舍非久居之地若有命罷官卽行出署吾無留戀也

公罷官後日坐一小樓所閱惟先儒理學諸書望其顏色怡然自得不異居官時知腴於道德者深也

舊例官出署凡署中物件一概搬取公出署官物悉留於內所攜者來時繩牀竹几破籠舊箱及圖

陸公遺蹟

卷上

四

書數扛而已觀者無不歎息

公將出署凡署中物件概行查檢苟有缺壞者公卽買來賠補以償原數

嘉定有署事公倪伯屏會有德於民因建報祠祠內有假山爲前任趙公移置署中有儀軒軒雖美觀而祠幾廢因作歌曰吁嗟有儀軒其石何離奇問石何自來來自故侯祠聞昔祠初成吏民競祝釐孰知祠中石一朝遷在斯我聞召公棠今古豈異時感應捷梓鼓聖賢寧我欺恭寬信敏惠斯須

不可離反躬而已矣何歎亦何疑

公雖居官而署中操作不異寒素織者自織紡者自紡民間聞之每勗子女曰陸老爺民之父母猶與齊民同業爾等爲民家子豈可自暇自逸由是

遊惰之習頓除

公以清廉自矢凡署中食米全資家中租稅無不自平湖運至

衙內故多隙地向爲棄壤公莅任悉命栽蔬以佐盤飧

陸公遺蹟

卷上

五

官將供應向例民間承辦獨公莅任一切日用皆出貲自備凡出入舟車之類必給價值卽挑水夫亦必予以工費

公往蘇郡謁上臺旣登舟命役辦膳曰買米若干買腐若干買菜若干役買回復曰官厨之物尙未措辦公曰有腐有飯何謂未辦

每遇差役下鄉計路之遠近卽於票上批明該役應給工食若干一差役辦事回公嘉其能與之食而役已醉飽復食公賜嘔吐滿地酒肉盈墀遂責

革之

公以興文重儒爲己責公事暇嘗往來儒士家講學論古不啻師弟每談至夜分卽於其家便膳雖蔬食菜羹不謂簡也

邑有隱士諸莊甫潛心理學著有語錄公特往訪之

公下車進畧人士試之應者雲集公坐堂上親自批閱過百餘卷卒無愜意及得李玉如諱實先生卷甚喜舉示廣文戴公令時試題爲請問其目戴

陸公遺蹟

卷上

六

師云文固佳矣第承題中齋忘二字毋乃太觸時目公云是無妨也凡試士用以覘其生平心術學力何如豈區區在一二字間卽此二字知深於理窟矣遂拔爲首後三月復試公仍彌封親閱得卷舉示幕中士曰吾向得李子目爲無雙今此卷深沈精實殆堪與匹及拆封則仍李卷也爲之失笑復舉爲首云

公季試遴拔皆實學發案後傳集前三十名進署曰吾閱試卷各有所長但義理精深學問無窮必

須講貫始無歧惑吾公餘可以論文談道諸生童在家讀書者竟到署中卽處館而不專藉館穀者亦可另薦友朋代職同到署中吾有一定課程至以訓蒙餉口者不必勉強發題附課可也或不時來署聽講亦有裨益我雖清況尙可供給年終或貼兩三擔米至貧士不必破費我旣忝爲父母師長爾卽我之子弟不在此區區微物也由是進署讀書者二十餘人公每日講解各生質疑辨難竟與塾師無異

陸公遺蹟

卷上

七

旌孝行者地方官責也羅溪孝子朱迪在生時公卽加獎勵署其鄉里之請旌牘曰看得孝子朱迪修身養志秉性純孝生事極其承歡葬祭盡其致敬孝行旣協輿情公諭允孚學校所當亟請表揚者也奈其人尙在格於部議至乾隆五年始邀

詔旌

旌獎節孝蓋以闡幽芳風當世也余族曾祖文甫公歲貢生從祖皇人公邑學生力學早世曾伯祖母顧氏從祖母朱氏並撫孤守節通學以兩世苦

節環叩詳旌公批云姑媳完操冰霜勁節一著幽光於身後一彰芳譽於生前洵掌構之相承實國家之盛事各符年例應沐旌揚遂給兩代筠操之額今予冢孫振傳未娶早卒孫媳亦能賦柏舟以見志

公與陸郡博書云學校爲天下根本近來多自菲薄然胡安定曹月川所以赫赫今古者正以其能爲於舉世不爲之時也使舉世皆已爲之則亦無貴乎安定月川矣縱觀今之龐雜而苟且者正蒙

陸公遺蹟

卷上

八

傑振興之時也先生信其人哉

公每諫諭士子曰讀書人切不可以文入自負若以文人自負便做出多少可笑的事出來

嘉邑縣試舊習鄉紳子弟各具父兄名帖求列前茅謂之開揭縣官聽情謂之揭覆公莅任士宦各知謹守一人具揭干請

陸魯瞻問公曰某人筆札甚去得公曰尖巧而已凡落尖巧一家便不濟事  
公諭士子曰讀書人切不可於發後便有自滿意

只是適如其素爲是孔子曰以吾從大夫之後不可徒行也當日孔子爲魯司寇故然今人做官多

在別處居官是居官居鄉是居鄉何得以官行之鄉乎只是自守處仍要方正不可一味圓通類鄉愿一流要知天下極驕泰之人又極圓通故驕者必詔諭者必驕本相因也

嘉邑自糧案呈誤鳴鳥蔑聞陽鱠曰盛公清介自持不能干以私後起之彥俱以受知

公在任或求學文公曰士敦實行孝弟爲先舍行陸公遺蹟

卷上

九

已無文也或又以文問求售之術公曰有命在不可干也盡其在我而已

公每行縣鄉塾子弟有聚觀者公必勉以勤讀詩書尋求理義聞者皆知感奮

公以清廉治雖在鄉愚亦知其爲清廉吏也每以公事到鄉父老攜其子弟歡迎道左必要爭看清官而後已

公教人孝弟勉人讀書悉由天性故其在疁迎親海署本孝道以御民承歡膝下事絃歌以養志案

臘之餘琴堂之上兼有家庭之樂云

公以公事過南翔里泊舟白鶴寺作寺記略曰寺之興久矣豈以鶴之清高標異人樂傳之而寺因以久耶嗚呼鶴一禽耳猶能以清高之姿標異於世至千百年之久而不泯況人秉五常之性有六藝之教大可以經緯天地小可以振育一方有非鶴之所能企其萬一而乃泯泯無聞可不悲耶卽以茲土論仕且遊於此者若干人矣來也人莫之喜去也人莫之悲如蚊蠅之偶集而偶散何鶴之

陸公遺蹟

卷上

十

不如乎公之隨事立教又如此

陸清獻公莅嘉遺蹟卷中

寶山後學黃維玉編輯

縣俗婚喪諸禮多以侈靡相倣公下車飭示品制以務本崇儉諄諄風俗爲之頓化

排年者糧長也一百八十畝爲一排如其人田不足數則以他人田實之而責其收糧總納有一排年幾限不納糧差拘到縣排年稟云再展一限全年至期果如數公問何前限全無而轉限全完也

排年云不忍負公故以女鬻人糧銀卽價銀也公

陸公遺蹟

卷中

詢知買女者爲其儕輩乃召至庭知其有子與女年相埒因勸之曰汝與彼均爲排年汝忍役其女乎就吾所見吾卽爲媒女卽汝媳遂喚音樂演相

公堂上完姻兩人感謝而去

金氏女幼孤育於舅氏陳生其族人販賣於旗下陳訟之令不能爲力也公候其來取地方官印結卽捐俸代贖具文申請卒歸陳生

公以公事到鄉間學堂讀書聲曰瓢不瓢瓠哉瓢哉乃係論語瓠不瓠哉瓠哉之句也公呼其師

詢之知爲客籍服賈虧未不能旋里藉訓蒙餉口公曰汝棄本業旣已自誤而濫叨塾師旋復誤人矣遂給盤費令其回籍仍舊服賈

公出外道經通衢見門樓上一婦人梳頭公畢事復經其門而其婦尚梳公呼其夫諭之曰汝小本營生理當勤儉吾去時見汝妻梳妝回而未竟懶慢至此縱汝勤儉豈能成家且使幼輩相延習慣何以裕後汝宜訓飭

公旣諭妝婦卽令婦見夫火裙布荆釵身不衣

陸公遺蹟

卷中

綢首不飾銀親自織紝妝婦亦莫辨爲夫人也夫人諭之曰吾佐官家不離操作朝夕羹飧米兼麥食自是妝婦亦化爲勤儉

邑中五鄉廿七都九行十八鎮之民聞公解任咸集送公公對之惻然臨行贈民二句云餓死不要做賊氣死不要告狀便是好百姓受用不盡矣公鑄級後黎民送別公曰吾居官無善政舊例完糧十日爲一限吾於十日外增五日爲小限慮民間一時莫措故爲寬緩意本恤下恐後來徵糧竟

以五日爲一限則惜民之意反成害民之政是吾之遺患於爾民矣此益見公之惓惓於民至無已也

莅政之初自朝至夕齋莊嚴肅言笑不以假人羣下望若神明然處事和平出言詳審人又服而愛之

四鼓而起簽書待旦晨出理事或至日旰不食夜深而息規畫明發諸務事無留滯一義未安終夜不寐

陸公遺蹟

卷中

三

公善催科於初限悉進而命之曰錢糧者

朝廷之國課非縣官之私督爾民能急公身家快樂縣官亦得安逸有工夫做好事以加於百姓與爾非怨讐何苦日行杖責必私與阜隸杖錢若僱人代比又當與僱錢二者皆虛費而有欠糧受責之名何不省此以湊正數則爾吾俱安從此傳聞四野雲集響應

見百姓則告以民義之所當爲遇士子則勸勉學以希聖賢觀農夫則勸力耕以供俯仰值工作則

告以精專遇商賈則告以平價公取與有宦家子弟得罪延至堂上而朴之曰吾與爾父朋友也爾猶子弟也子弟而不肖不可以不責

禁酬賽及黎閭或語之曰子不敬關公何也曰關公正神豈可以戲禁之所以敬之也

練川故多妄訟公虛公詳慎民不敢欺胥吏足跡不至村落

有人嫌壻貧而餽金求絕婚者公受之卽以其金與其壻曰壻不貧矣卒嫁之

陸公遺蹟

卷中

四

吳下文風日趨浮詭心術旣已卑汚文字亦成靡濫公謂作文所以明理論文所以觀德故每與士子言無非此旨

工人有入內修織機者呼公夫人曰嫂外間夫人甚賢可得一見否夫人曰吾卽是也工人稱罪夫人亦弗以爲意蓋緣服飾儉約不異常人且與家衆同業故見者一時莫辨

民有急公照限完糧者公給以賞單日後逾限不完單免責一鄉民應給單民曰某不願得單有

先人未主求公椽筆一點榮如袞矣公許焉因出懷中公卽點之

自公蒞任所省白折之濫派歲以萬計所省河工之苛斂歲以萬計所省諸色之乾沒歲以萬計所省科徵之敲朴日以千計所省牙差之騷擾日以千計所省訟牒之羈縻日以千計

盜有匿民間者捕役稟公多點弓兵踏門搜捉可得

公曰某家焉得匿盜汝曰匿盜僞也公乃密召

其人諭之曰吾廉知盜匿在汝家是盜匿非匿盜

陸公遺蹟

卷中

五

卷中

六

也若從汝家獲盜汝業覆矣汝遣其出門吾於路上獲之汝可無事某叩頭稱謝從公言至今家有公位焚香頂祝

巡鹽兵快每於船販大鹽梟受其賄賂縱其往來私賣而小鹽梟之擔販者獲一二以爲能幹時有

兵快獲鹽梟一名解於堂上私鹽一包陳於堂下公向兵快曰販鹽者止此一人乎兵快曰餘夥皆走公向鹽梟曰汝何不走曰吾不善走故爲其獲

公曰爾今日亦可快走梟隨往門外一轉仍伏堂

上公曰吾令汝走汝何不走梟竟遠逃公曰汝將大梟情縱將小梟拏來又將狡猾衆小梟情縱止拏疲弱一梟來彼船販係大梟擔販係窮民爾以此來唐塞耶責之

有與公同姓者輸糧踰限當受責糧戶手持譜系言念同宗求公寬限公免其責至次限仍舊云云

公曰卽是同族

國課亦不可緩多方勸諭遂依限完納

一糧戶臨限詐稟公曰母病公寬其一限至第二

陸公遺蹟

卷中

六

限又稟曰父病公又寬一限至第三限則詭爲凶服以見曰母故矣公復寬之此所謂欺以其方者坐南面者發怒最易罵詈若忘入奴才之類率以爲常公當臨民詞氣和平並無疾言遽色間遇悖理之極者但云沒臉面三字

徵糧舊法先將大戶發催糧單謂之頭摘其後挨次發單完納公謂錢糧乃

朝廷國課用名帖請大戶先完其下挨次立限懸於縣門不用差役民無追呼之擾

嘉邑地不產米前朝以來定制折漕完糧時民間

以貨易銀往往有賤售以供賦者公莅任時鄉民或花或布或豆陳於堂上令牙行估值收去交價即可作糧既無耗羨之費亦無賤售之累

勤敏征糧不特可以奏功亦且可以肥己故緩征之舉縣令所不樂爲也公軫念民艱不第革除耗羨而屢向上臺請緩以惠下雖冒上之怒亦不顧焉

民間賦繁前任比限血流湧堵公立甘限法於大陸公遺蹟

七

限外增一小限糧排自限若干完及半宥之計每限省行杖錢不啻二三百緡也

嘉邑地不產米所解白糧買自鄰封隨時定價上

下行私每年浮派不下數千金公悉革除及定糧

詳憲後米忽騰貴公俱自賠不復派民

解兌錢糧向差書役司房既有需索縣役每加使費歸家必多開銷公則親自解兌減省倍常謂彼寬縣官一分則縣官寬百姓一分其存心愛民至深遠也

公解糧交庫庫司以未有常例屢以平輕爲辭公視平果不足細思照法馬交兌豈有不足之理躊躇良久知平中弊稟知藩憲庫弊得除

公加編錄序云余莅嘉二年部議催科不力被黜

耆民郁某進加編錄示余余閱之喟然夫主持國

計者未有不知民力當恤特以一字之加未必病

民不知今歲加若干明歲加若干加者不可減後

者又議加民其能堪乎他邑之增不至如嘉邑之

多而猶不堪命然則嘉定之民日困而逋日積何

陸公遺蹟

卷中

八

怪也恤民者當隨時而爲之計斟酌緩急調劑輕重庶幾寬一分民受一分惠焉則是編也固仁人憂國者所宜亟進矣

公上張素存書曰某材疏政拙不免部議私心竊懼世俗謬爲過於寬厚有誤催科此言一傳功名之士遂以寬厚爲殷鑒其害非細其實核民欠尙少他邑特勸輸多而敵扑少迹似縱弛方愧不能盡用德教乃以爲寬厚之誤豈不誣乎悠悠之口應置勿諭然此人心氣運所關故敢於知已前陳

之

膠邑健訟皆由訟師刁唆與吏胥朋比作奸公首

懲之刁風漸息

訟詞無干牘無罰綏直其情卽止有久不赴審者卽註銷自公在任百姓無以訟廢家者

大場鎮民有兄貧貸弟不應昇弟物去弟賄巡檢司以盜報訊之乃其弟婦翁所爲遂痛懲之呼弟曰彼兄也乃以爲盜不悌也責之呼兄曰汝爲長不能自立陷弟不悌亦責之咸感服而去

陸公遺蹟

卷中

九

有告子不孝者公自訟曰我德薄令汝父子至此因委曲曉譬父子俱泣乃遣之

有富家欲重懲貧民公署其牘云富人之體面固體面貧人之肌膚亦肌膚也後富家懷德輸課獨先

人聽上人謂公盍辦諸公曰邑有益長吏宜有罪吾何辨焉遂解任去

膠邑命詞多假飛陷四鄰至有累及數里外者奸胥從茲漁利貽害無窮公見株累多人卽行禁革雖真命案亦不連累無辜

民有訟者公卽令原告執單自拘訟者曰吾旣訟彼必讐吾公曰持吾票去安得讐汝故遇有詞訟原告卽約被告被告亦更約原告如有不到然後差役行拘然亦偶爾也由是差與承之百計漁

陸公遺蹟

卷中

十

利以飽其蠹者埽除一空

風俗澆悍健於訟訟公於聽斷之時務詳詢以得其眞情而又和平惻怛剖斷之餘一以至情動之兩造皆悔悟感激審畢向兩旁觀者曰這樁事審得公呢不公衆人皆曰公而後公退

人有訟者公曰爾必如是如是彼必如是如是爾因小不遂意卽架詞來訟令其跪儀門外自思之果如是耶有間訟者復向公欲訟公曰我拘訊爾果如是便受責矣莫若不訟訟者感悟遂去  
錄得眞盜定擬部遂引諱盜例革職尋獲眞盜七

公審賭博訊明情由令取椀五隻注水四散中置空椀俾四人各認一椀取四椀之水紛紛搬移一轉瞬間而四椀之水盡移中間空椀獨滿因論曰同賭各持賭本猶四椀之無有水也開場頭家猶中間之空椀也爾賭之忽輸忽贏何異此水之移來移去乎今爾等爭相攫取而彼此總歸烏有又安用是勞勞者爲於是衆皆感悟自公在任無復犯賭者

大凡民間與訟或恃勢力或蓄怨讐以致告訐無

陸公遺蹟

卷中

十一

休辱身破家而不顧公於事之小者每理諭而遣之既不至於辱身卽訟之大者亦無差承吏役之費又不破家雖有奸徒欲構訟漁利亦無所施其技而民訟自寡

某姓者有讐家在外結交惡黨假稱滿洲旗人突至某家詭云汝爲家主所賣劫某而去適其子在外崗鎮公詰曰汝係何旗旗係何主主係何名自

滿洲從

龍來者係何人盜惶顧不能對咸俯首伏罪公平時但講理學至倉猝又能應變蓋不特經事有宜而且變事有權

陸公遺蹟

卷中

十三

陸清獻公蘆嘉遺蹟卷中

陸清獻公莅嘉遺蹟卷下

寶山後學黃維玉編輯

上憲誕辰各州縣例餽厚禮時巡撫公壽誕公僅

餽詩扇一柄家機紫花布二疋黃草涼鞋一雙竹  
刻一件號房以禮薄又無使費屏不收公謂吾禮  
已到竟自回署公旣回撫憲查閱號簿獨嘉定縣  
無名以爲自恃清廉上憲誕辰竟不一到由是不  
悅

撫軍旣不悅是時會推福建按察使

陸公遺蹟

卷下

卷下

二

公莅任後琴堂無事官清吏肅聽差人等雖爲衙  
役與民同業苦守清貧至有漁人向役呼賣魚役  
曰如此清官吾等尚有閒錢食魚耶公以清廉化  
下書吏皆能節儉謹守

有惡宦某素無官長恃勢凌人公至讐家告訐者  
不下十餘紙公意以爲事若發覺則吾多控制之  
陸公遺蹟

卷下

二

虞彼有脫險之備且謂不過爾爾於是紙皆不  
發以示不測某遂驚疑斂跡遠遯

豪惡汪姓橫行邑中其僕奪賣薪者妻前令曲庇

之及公莅任賣薪者具控公卽拘訊痛懲其僕勒  
還賣薪者妻并逮汪姓歷數其罪汪恐懼俯伏悔  
過求寬公曰法爲情終者設也人無不可自新爾  
果能改吾姑恕之汪感激改過

公淡泊自甘一時民間歌筵綺席聞公之風不禁  
係官差面數其罪由是上差斂迹不敢肆侮  
自止所謂以身先之則不令而行

市鎮少年數十爲朋以拳勇殿擊爲事公廉知之

拘其尤者枷於縣門出入臨視誠諭警切視其情

風清月朗之下公每微行察訪民情土俗以爲興

除計一夜至窮簷門首內有二女紡織篝燈之下

其一曰夜深天寒溫酒一杯可以助煖得再紡織

其一啟甕挹取曰春酒已如陸老爺矣公殊不解其意明日呼其家男子詢之其人曰春酒如老爺蓋以酒之清況老爺之清也

陸公遺蹟

卷下

三

凡官長誕辰士民進祝餽送若俱屬珍重之物公之誕鄉村父老於神廟中取蠟橋置公堂上焚香點燭香烟亘天燭淚盈墀火光耀耀如同白晝男女老少繹絡衢路熙攘六百里喧騰五日夜間有菽米雞黍之物置堂上去公命納焉餘盡却之誕辰係十月十八日

公莅嘉有瞽目者詣案前自陳曰聰明正直謂之神公卽神也我不幸兩目無見乞公一字批斷來生作有目人地下冥王必不違公言也公笑而允

公莅任時有一皮匠感公之德持釘鞋贈公公不受匠氏曰吾無別物只有一鞋公曰只此一鞋便不可受匠氏號泣再拜投鞋而去

公鐫職民留公不得悲不自勝以爲何去之速吏則幸公之去可以容奸

公解任父老送者填巷塞途有一人擠進叩頭見公公曰吾德薄材菲有何好事到爾其人曰公雖無好事到吾吾有一事到官曾受公責然公平日

陸公遺蹟

卷下

四

自是好官衆人咸謂公清官則受公之賜享公之福正無窮也一人之私豈可以爲定論一事之細豈可以概生平乎

公解任各鄉父老子弟聚集公堂哀號哭泣不忍舍公公相向流涕民之視官真如嬰兒之戀母官之視民真如慈母之愛子

時邑人士送公者無不謳吟各申其意有白沙詩人俞鶴湖詩云有官貧過無官日去任榮於到任時一時詞人以爲壓卷謂頌公之最親切有味者

相傳當年夫人與公同甘苦布衣蔬食每食止飯

一盂腐一椀則知公之飲食服御果淡泊遠甚鵠湖豈虛語哉

有諸生陳紹馨集鄰邑紳士及本邑紳士送公詩併送公序記等篇共五百餘首以付剞劂名曰公歸集又有里民李雋集民間歌謡刻成一書名曰雜謠一以昭廉吏之治績一以寄萬姓之謳思總以詠公之遺愛於無窮

公清操刻苦

陸公遺蹟

卷下

五

聖祖仁皇帝朝但有俸銀尙無養廉兼之縣令政治繁劇卽俸銀亦難恃爲正用是以解任之日虧空庫銀約千金民之代公完納者或以兩計或以錢計不約而同置於公堂十日之內卽已補足公得脫然

有唐老人負版帶索募助急公有旨見助公完庫錢聞公聲音喜而去

公以清廉鑄綴聞命之日草木如喪江山失色萬民鼎沸如失父母爲之號泣者旬日巷哭之聲殷

雷動地

公將出署九鄉二十都之民夜半羣呼入邑填滿街衢公出示苦禁父老承公意揮衆籃輿甫及中霤哭聲大震旅進旅退者數四既恐病公乃共掖公入邸男婦萬餘環泣不去

公解任士民徒步跣赴郡晝夜繹絡於道揮淚成雨請撫軍乞留慈母以活萬民撫軍哀之上疏乞還秩

命未下制府連及譖盜落職

陸公遺蹟

卷下

六

有楊筆客者僑居嘉定大呼狂走逢人九頓涕泣留公

有瘋癲子聞公解任書空咄咄仰天長歎不忍去公解任民間男昇耕器女昇機杼壅塞城之四門咸欲叩闕借寇自卯至酉人情洶洶公不得行乃出而慰諭曰長吏受譖朝聞夕報法也諸父老憐而留我情也但私情安可以撓

國法卽須臾止屢舍無益也諸父老其無滯我行矣衆人益挽行轍不忍舍

公解職將出署不獨萬姓感動呼號無已爾時天  
日爲慘風沙載道亦若痛公之去而欲挽行旌者  
自公解職父老子弟田夫販豎或流想支頤或呼  
天怨尤或相向聚述軼事不覺涕下交頤幾無間

日

有八九旬老嫗數輩連衽合掌求見公面稱爲活

佛曰何必往紫竹靈山也

鄉間八九十歲老人相聚而言曰自建縣以來官  
斯土者如公洵眼中未見耳所未聞

陸公遺蹟

卷下

七

公去任日境內皆結采棚焚香然燭花幡仙仗鼓  
吹喧轟惟恐不盡其誠者

公不得不去民必不能留於是拔轍臥轍之衆或

藏鎧或留鞭以爲見公所留之物卽如見公之面  
也

公已去嘉民皆提壺挈榼追送公者哭聲盈野公

再三慰諭各歸安業衆皆依依不舍至百里外方  
止內有數百人號泣隨公直欲送至公第公苦口  
勸止送過半路大泣而回

嘉民旣送公回隨作送公詩寫數十百紙及錄公  
德政沿途傳帖自郡城過滻墅關直抵大江以北  
似欲叩

闢者然撫軍聞俞鶴湖送公詩有

聖代自來公論在誰傳消息到長安旬內不自安遂  
暗屬經由地方官慰諭百姓許以題請留公復任  
百姓信以爲實乃回

公去任不獨全疁士民謳思無間卽鄰邑之民皆  
如失哺之兒踰蹕無倚各據離憂以爲去後之恩  
陸公遺蹟

卷下

八

公去任黎民建祠於城隍廟旁塑公生像以爲是  
卽公之留以撫我也

公甫解任署事者初至阜隸橫索杖錢至鄉民衣  
帽不得全有一人欲納糧銀過縣其銀置懷中亦  
被攫去無路可控經城隍廟旁見公祠其人入內  
抱公像大哭而去

童子相聚成羣以竹兜子爲轎摺紅紙爲長生位  
二童子昇之鳴鑼擊鼓仍用儀仗見公之德無不  
入卽幼稚而亦感之深也

公既去任黎民懷之相與卜邑西數武建院樹石

以銘其恩萃當車赤子之心鍾空谷白駒之愛萬

年俎豆四季蒸嘗

公解任次日四郊諸鎮各迎長生位一時剗廟丹  
漆匠氏無有寧晷旬日間村各有祠暨各有位琴  
瑟鼓樂俎豆揚旛賁於原野

公既沒士民有抱嘉城水赴浙致奠不用他物爲

祭品

公既葬嘉民有詣墓拜泣不告姓氏而去

陸公遺蹟

卷下

九

公去任今將百年民間每言好官者無不稱公而

言及公者無不追思愛慕恨未生其時蓋士則親

受公之德教民則親被公之德政故傳頌至今不

衰

公自鑄級民皆思之及公既沒一夕嘉西馬頭忽

火把船隻如官府赴任者鄉民從燈光下觀之彷

彿若公生前狀尋復不見或謂公爲嘉邑正神云

說雖近誕然公之軫念嘉民與民之慕公精神實  
有以相感生而英者死爲靈鬼膺

上帝之命以撫惠嘉民歟

公沒後二載嘉邑諸生時圯受等爲春秋理學正

宗百代循良極則等事呈請從祀學使許公

諱汝

森批略云性凜學粹行潔品端實踐躬行思希曾  
閔存誠主敬力紹程朱間風猶將興起遺愛自爾  
難忘斯誠秉彝之好詎同循例之常於是奉主人

名宦祠

塑公生像向在城隍廟旁雲南進士杜公

諱念曾  
晉人

來令嘉邑以公理學儒宗不宜附居神廟而宜遷

陸公遺蹟

卷下

十

附於聖廟側乃於乾隆乙酉迎入學宮之旁士民  
從者一時雲集譽應咸以爲愜於理云

寶山舊屬嘉定嘉邑舊有公祠寶民思慕不已於

乾隆十五年諸董事呈請邑令田公

諱聯芳  
內鄉人

建廟楊行春秋祀焉家語云吾於甘棠見宗廟之敬也

甚矣思其人必愛其樹尊其人必敬其位道也

雖籍隸寶山而先籍餘姚與公同省自高祖忠端

公諫垣逮殉曾祖毅堂公遷謫而祖父晦齋公親  
被公之德澤予於建祠之舉謀畫勑輸經營工作

與諸董事實共其勞諸董事者廩生程祖修增生

黃朝俊貢生吳稼寶太學生壽昌智詹士雋暨王

六人繼起贊成者增生程觀光子弟太學生維翰

田公旣建公祠後以公事道經楊行殷勤下訪談

公遺事感歎不置調繁武進丁封翁陸漁公艱

公雍正八年庚戌進士順天府學教授

詣鎮禮祠復蒙見訪索

稿

是編留談竟日乃去

### 陸公遺蹟

卷下

十二

陸公遺蹟

跋

余讀清獻陸公行狀至遠鄉之民刻木爲位迎歸  
以祠者日數輩几兩月乃已至今邑人言及先生  
皆泣下謂五百年建縣所未有不知其感民何以  
若是之深也初疑公爲理學大儒其設施必非常  
所能到景仰之已耳忽一旦有悟蹶然而興曰  
余今有以識公之治矣公不過區區愛民之心夙  
興夜寐未嘗一刻去諸懷無論行時坐時聽政時  
退食時自催科以逮行刑時皆有所謂至誠惻怛  
萬不得已者纏縛於吾民之肺腑而呼吸無間乃  
其效驗遂令天下後世咸詫爲神奇而不知其操  
術固甚平且易也同治六年春余倡捐廉俸爲公  
修嘉定生祠權是邑者爲汪君福安以公陸嘉遺  
蹟見跡循誦數過覽其篇目標題及評語皆可刪  
雍遂爲訂正仍分三卷重刊以贈同人之宦蘇者  
嗟乎公之去今不及二百年地則僅咫尺耳舟車  
所至往往得聞道旁父老歎息聲夫時地非遙則  
政績未湮取法尤易而凡世俗所驚眩而以爲莫

### 陸精獻公莅嘉遺蹟卷下

可幾及者又不過區區愛民之心貫注于其間然則起而追之亦何終不可及耶乃綴數語并爲有志者告永康應寶時謹跋

淑道前徐怡卿鑄

陸公遺蹟

跋

二